

1.2. Jadnański pórěd 21. (wurědneje) głowneje zgromažiny Domowiny

1. 21. (wurědna) głowna zgromažina pšewježo se na zakłaže artikla 7 wótrězk 8 wustawkow Domowiny. Wóna ma wobtwarziš změnu wustawkow Domowiny. Naraženja su se wobšyrnje do głowneje zgromažiny diskutěrowali. W toš tom procesu jo měł kuždy člónk Domowiny góžbu, swóje naraženja a pokazki zapódaš.
2. Žělowy prezidium głowneje zgromažiny zestaja se z prezidiuma zwězkowego pšedsedařstwa a jadnarjow Domowiny.
3. Wótběg głowneje zgromažiny moderěrujo zastupujucy jednař Marcus Końcař w dolnoserbskej rěcy.
4. Głowna zgromažina jo k wobzamknjenju zamóžna, gaž jo wěcej ako połojca nominěrowanych delegatow pšibytna.
5. Głosowańske pšawo maju člónki zwězkowego pšedsedařstwa ako teke dalšne delegaty z člónkojskich župow a nadregionalnych towaristwow/zwězkow pó wósebne klucu (glej wobzamknjenje zwězkowego pšedsedařstwa cysło 27 z dnja 28.01.2022).
6. Pšistajone zastojnstwa Domowiny pód nawjedowanim jednařki twórje org.- bėrow 21. głowneje zgromažiny, kenž pšibytność registrěrujo a wótběg zgromažiny organizatoriski zarucyjo.
7. Głowna zgromažina wuzwóljo redakcisku komisiju. Wó zestawje komisije rozsužijo se w zjawnem wótgłosowanju.
8. Pšizjawjenja za diskusiju dejali se pisnje žělowemu prezidiumoju pósrědnić. Na diskusiji smějo se delegaty a pšepšosone gósci ako teke pšistajone Domowiny wobžěliš. Moderator zgromažiny rědujo a připowěžujo slěd gronarjow.
9. Rěcny cas za diskusijne pšinoski wobgranicujo se na 5 minutow.
10. Słowo k jadnańskemu pórědoju, kótarež móžo sebje kuždy delegat ze zwignjenim wobeju rukowu wupominaš, pšepódajo se zwenka póstajonego rěda diskusijnych gronarjow. Gaž wugronijo se pominanje abo naraženje k wótgłosowanju, smějo jaden dalšny delegat powědaš za to a jadyń pšěšiwu tomu. Pótom se wótgłosujo.
11. Wuwžešne naraženja za pšidatne wobzamknjenja chwatneho charaktera maju se na zachopjeńku głowneje zgromažiny pisnje pla žělowego prezidiuma wótedaš. Žělowy prezidium dopórucyjo delegatam wašnju wobjadnanja takich chwatnych pšosbow. Wó tom se zjawnje wótgłosujo.
Naraženja z wugbašami na góspodařski plan Domowiny njegóže se bžez docasnego pšespytowanja z boku financnego wótrěda Domowiny wobzamknuš.
Głowna zgromažina smějo zwězkowemu pšedsedařstwoju połnomóc daš, take pady we wótgłosowanju ze zastojnstwom pó głownej zgromažinje rědowaš.
12. Redakciska komisija zebjerjo w swójej rozpšawje wšykne pokazki a naraženja z diskusije a pšedpolažyjo delegatam naraženja k wobzamknjenju. Naraženja pšednosujo pšedsedařka/pšedsedař redakciskej komisije. Moderator dajo wó tom doskóńcnje wótgłosowaš.
13. Pši wótgłosowanjach jo naraženje pšiwzete, gaž jo wětšyna pšibytnych delegatow za naraženje głosowała, jo-lic njejo we wustawkach hynac póstajone. Pši jadnakej libje głosow za abo pšěšiwu naraženjoju, jo naraženje wótpokazane. Zdžaržanja głosa lice ako napšěšiwne głosy. Wustawki smějo jano głowna zgromažina Domowiny změníš. K tomu stej dvě tšěšinje głosow pšibytnych delegatow notnej.
14. Wó jadnanjach 21. głowneje zgromažiny napórajajo se wuslědkowy protokol, kótaryž mataj pšedsedař a protokolant/ka pódpisaš. Jadnanja se pó słowje nagrawaju a zukowe nosarje składuju se w zastojnstwje Domowiny nanejmnjenjej až do štyrich tyženjow pó pšiducej głownej zgromažinje.